

# PWYLLGOR SGRIWTINI PARTNERIAETH AC ADFYWIO

## Cofnodion y cyfarfod hybrid a gynhaliwyd ar 17 Ionawr, 2023

**YN BRESENNOL:** Cynghorydd Dylan Rees (Cadeirydd)  
Cynghorydd Gwilym O Jones (Is-gadeirydd)

Cynghorwyr Non Dafydd, Euryr Morris, Trefor LI Hughes MBE, Derek Owen, Pip O'Neill, Margaret M Roberts, Ken Taylor.

### **Aelodau Portffolio**

Cynghorydd Llinos Medi (Arweinydd y Cyngor); Cynghorydd Carwyn Jones (Is Arweinydd ac Aelod Portffolio Datblygiad Economaidd, Hamdden a Thwristiaeth); Cynghorydd Gary Pritchard (Aelod Portffolio Gwasanaethau Plant – Gwasanaethau Cymdeithasol a Gwasanaethau Ieuenctid); Cynghorydd Alun Roberts (Aelod Portffolio Gwasanaethau Oedolion – Gwasanaethau Cymdeithasol); Cynghorydd Nicola Roberts (Aelod Portffolio Cynllunio, Diogelu'r Cyhoedd a Newid Hinsawdd); Cynghorydd Dafydd R Thomas (Aelod Portffolio Prifffyrdd, Gwastraff ac Eiddo); Cynghorydd Ieuan Williams (Aelod Portffolio Addysg a'r Gymraeg).

**WRTH LAW:** Prif Weithredwr,  
Cyfarwyddwr Swyddogaeth (Adnoddau)/Swyddog Adran 151,  
Cyfarwyddwr Gwasanaethau Cymdeithasol,  
Cyfarwyddwr Addysg, Sgiliau a Phobl Ifanc,  
Pennaeth Gwasanaethau Oedolion,  
Rheolwr Gwasanaeth (Diogelu) (AH) (eitem 4 yn unig),  
Rheolwr Sgriwtini (AD),  
Swyddog Pwyllgor (MEH).

**HEFYD YN BRESENNOL:** Ms Sandra Thomas – Rheolwr Rhaglen Bwrdd Gwasanaethau Cymdeithasol Gwynedd ac Ynys Môn (ar gyfer eitem 5).

**YMDDIHEURIADAU:** Cynghorwyr Jeff Evans, John I Jones.

Cynghorydd Robin Williams (Aelod Portffolio Cyllid, Busnes Corfforaethol a Phrofiad Cwsmer).

Pennaeth Gwasanaethau Tai.

## **1 YMDDIHEURIADAU**

Fel y nodwyd uchod.

## **2 DATGANIAD O DDIDDORDEB**

Bu i'r Cynghorydd Euryr Morris ddatgan diddordeb personol ar gyfer eitem 4 – Diogelu Corfforaethol – Adroddiad Blynyddol (Tachwedd) 2021/2022 ac eitem 6 – Adroddiad Cynnydd Chwarter 2 – 2022/2023 : Bwrdd Uchelgais Gogledd Cymru.

## **3 COFNODION**

Cadarnhawyd bod cofnodion cyfarfod blaenorol y Pwyllgor Sgriwtini Partneriaeth ac Adfywio a gynhaliwyd 23 Tachwedd, 2022 yn gywir.

### **Materion yn codi o'r cofnodion:**

#### **Partneriaeth Diogelwch Cymunedol Gwynedd ac Ynys Môn**

Roedd yr Is-gadeirydd eisiau canfod a oedd unrhyw ddiweddariad ynghylch y ddarpariaeth ar gyfer camerâu CCTV symudol mewn cymunedau gwledig. Dywedodd y Prif Weithredwr fod y mater wedi'i godi o fewn Partneriaeth Diogelwch Cymunedol Gwynedd ac Ynys Môn a dywedodd nad oedd cyllid ar gael ar hyn o bryd i ddarparu camerâu CCTV symudol. Fodd bynnag, mae Diogelwch Cymunedol wedi'i flaenoriaethu yng Nghronfa Ffyniant Gyffredin y llywodraeth, a chynhelir trafodaethau o fewn Bwrdd Partneriaeth Gogledd Cymru Mwy Diogel yn fuan.

## **4 ADRODDIAD BLYNYDDOL - DIOGELU CORFFORAETHOL - TACHWEDD 2021/2022**

Cyflwynwyd – yr Adroddiad Diogelu Corfforaethol Blynyddol – Tachwedd 2021/2022.

Dywedodd Cyfarwyddwr y Gwasanaethau Cymdeithasol fod yr Adroddiad Blynyddol hwn yn adroddiad ar ddiogelu trefniadau corfforaethol sy'n disgrifio'r cynnydd a wnaed ac i ba raddau mae diogelu wedi'i ymgorffori ym mhob agwedd ar wasanaethau, swyddogaethau a dyletswyddau'r cyngor. Dywedodd fod yr Awdurdod wedi sefydlu Byrddau Diogelu Corfforaethol Gweithredol a Strategol sydd ag agenda cadarn ar waith sy'n cynnwys data pwysig a rennir gyda'r Byrddau. Dywedodd fod gan bob gwasanaeth Hyrwyddwr Diogelu sy'n cynnig cyngor ar bob mater diogelu ar gyfer staff eraill o fewn ei wasanaeth, a sicrhau cydymffurfiaeth gyda'r Polisi Diogelu Corfforaethol.

Dywedodd y Rheolwr Gwasanaeth (Diogelu) fod y strwythurau llywodraethu ar waith i sicrhau bod yr holl ddyletswyddau cyfreithiol yn cael eu cyflawni, a bod agwedd yr Awdurdod tuag at ddiogelu yn foddhaol. Mae'n rhaid i'r Awdurdod Lleol sicrhau bod yr holl weithwyr a gwirfoddolwyr yn deall eu rolau a'u cyfrifoldebau o ran diogelu, ac yn ymwybodol fod hyn yn cynnwys adroddiad ar bryderon yn ymwneud â'r plant ac oedolion maen nhw'n dod ar eu traws. Aeth ymlaen i ddweud fod y Panel *Prevent a Channel* wedi'i gynnwys o fewn Cyfansoddiad y Cyngor. Roedd rhestr o Swyddogion Statudol a Phriodol a oedd yn dangos pwy sy'n arwain *Prevent a Channel* hefyd wedi'i chynnwys o fewn yr adroddiad. Dywedodd fod Safonau Hyfforddiant Diogelu Cenedlaethol Cymru wedi'u cynnwys yn strwythur y grwpiau, gan ddiffinio dyletswyddau sy'n gysylltiedig â rolau gweithwyr, rheolwyr

neu arweinwyr gwahanol. Mae cam allweddol wedi'i adlewyrchu yn y cynllun gweithredu, sef i fapio'r gweithlu gyda'r grwpiau gwahanol a llunio cynllun er mwyn darparu hyfforddiant. Dyma gyfle i fapio gofynion hyfforddi'r gweithlu o ran Atal a Chaethwasiaeth Fodern ar yr un pryd. Cyfeiriodd y Rheolwr Gwasanaeth at y cymorth a'r ymyriadau effeithiol, fel y nodwyd yn yr adroddiad, ar gyfer ymateb i bryderon diogelu mewn perthynas â'r rheiny sy'n gweithio, un ai am dâl neu'n wirfoddol, sy'n golygu eu bod mewn cysylltiad â phlant neu oedolion sydd mewn risg. Roedd rhestr o honiadau a wnaed yn erbyn gweithwyr/gwirfoddolwyr y cyngor, sy'n gweithio gyda phlant neu oedolion gydag anghenion gofal a chymorth, wedi'i chynnwys yn yr adroddiad.

Cyfeiriwyd at yr ymarfer effeithiol o fewn Cynghorau mewn perthynas â darpariaeth caffael wrth gomisiynu gwasanaethau. Mae'r Awdurdod wedi cyhoeddi Hysbysiad Cyngor ar Ddiogelu, Caffael a Rheoli Contract sy'n helpu gwasanaethau i sicrhau bod gwasanaethau sy'n cael eu darparu gan bartneriaid yn ddiogel ac yn hyrwyddo diogelu. Mae pob gwasanaeth yn gyfrifol am ei drefniadau Caffael a Rheoli Contract ei hun, yn ogystal â phenderfyniad ynghylch sut i ddefnyddio'r Hysbysiad Cyngor.

Ystyriodd y Pwyllgor yr adroddiad, a chodwyd y prif bwyntiau canlynol:-

- Gofynnwyd cwestiynau ynghylch sut mae'r Cyngor yn sicrhau bod ymarfer diogel ar waith wrth gomisiynu gwasanaethau, a bod yr holl ddarparwyr sy'n gweithredu ar ran y Cyngor yn cyflawni eu cyfrifoldebau diogelu'n effeithiol. Dywedodd Cyfarwyddwr y Gwasanaethau Cymdeithasol fod y trefniadau gofynnol yn cael eu rhoi ar waith o ran sicrhau bod yr holl ddarparwyr yn cyflawni eu cyfrifoldebau diogelu. Bu i'r Rheolwr Gwasanaeth hefyd ddweud fod yr Hysbysiad Cyngor ar Ddiogelu, Caffael a Rheoli Contract yn helpu i sicrhau bod gwasanaethau'n cael eu darparu gan bartneriaid yn ddiogel ac yn hyrwyddo diogelu. Wrth osod contractau, cwblheir prosesau monitro ac adolygu i sicrhau bod gweithdrefnau diogelu cadarn ar waith;
- Gofynnwyd cwestiynau ynghylch i ba raddau mae tystiolaeth fod gweithdrefnau corfforaethol cadarn ar waith a'u bod yn cael eu gweithredu'n rheolaidd. Dywedodd Cyfarwyddwr y Gwasanaethau Cyhoeddus bod Cynllun Gweithredu ar waith yn atodiad yr adroddiad. Dywedodd pan fydd problemau'n codi a phan fydd adrannau angen cymorth gyda materion diogelu, gellir eu cyflwyno i'r Bwrdd Diogelu Corfforaethol Gweithredol er mwyn cryfhau'r trefniadau corfforaethol ac i gefnogi staff sy'n gweithio gyda phlant ac oedolion;
- Gofynnwyd a oes adnoddau ar waith ar gyfer cyflwyno'r Cynllun Gwaith. Dywedodd Cyfarwyddwr y Gwasanaethau Cymdeithasol mai'r gweithlu sy'n delio gyda materion diogelu yw'r unig adnodd. Dywedodd fod arbenigedd yn amrywio o adran i adran, ac mae gan y Gwasanaethau Cymdeithasol a'r Gwasanaethau Addysg fwy o arbenigedd diogelu oherwydd natur eu gwaith.
- Fodd bynnag, pwysleisiodd fod gan bob unigolyn o fewn y Cyngor gyfrifoldebau diogelu;
- Gofynnwyd cwestiynau ynghylch y cynnydd a oedd yn cael ei wneud yn erbyn y cynllun gwaith. Dywedodd Cyfarwyddwr y Gwasanaethau Cymdeithasol fod y Cynllun Gwaith yn cael ei adolygu'n rheolaidd, ac mae'n adrodd yn ôl i'r Bwrdd Diogelu Corfforaethol ar unrhyw faterion nad ydynt yn symud yn eu blaenau fel y disgwylir;

- Cyfeiriwyd at y rhestr o honiadau yn erbyn gweithwyr/gwirfoddolwyr y cyngor sy'n gweithio gyda phlant ac oedolion sydd ag anghenion gofal a chymorth fel y nodwyd yn yr adroddiad. Gofynnwyd cwestiynau ynghylch sut mae'r Awdurdod yn mynd i'r afael â'r honiadau hyn ac a ddysgwyd unrhyw wersi o ran y weithdrefn recriwtio. Dywedodd y Rheolwr Gwasanaeth na thynnwyd sylw at unrhyw broblemau gyda'r broses recriwtio o ran yr honiadau a wnaed yn erbyn rhai unigolion o fewn yr adroddiad. Dywedodd fod angen hyfforddi a chefnogi unigolion o fewn eu rolau yn fwy cadarn, ac mae'r materion hyn yn cael eu hadroddiad i'r Bwrdd Diogelu Rhanbarthol. Dywedodd y Pwyllgor fod hefyd angen cefnogi unigolion pan nad yw honiadau a wneir yn eu herbyn yn cael eu profi. Dywedodd y Rheolwr Gwasanaeth fod Gweithdrefnau Diogelu Cymru 2019 yn tynnu sylw at archwiliadau gwahanol o ran diogelu plant ac oedolion mewn risg. Dywedodd ei fod yn gyfnod heriol i'r unigolion sydd â honiadau yn neu herbyn yn ogystal â'r bobl sydd wedi gwneud yr honiadau; mae'r broses archwilio angen ei dilyn cyn gynted â phosibl. Dywedodd Cyfarwyddwr y Gwasanaethau Cymdeithasol fod gweithdrefnau clir ar waith a gall gweithwyr yr Awdurdod fanteisio ar y broses Gwnsela drwy MEDRA. Dywedodd fod angen adolygu a monitro pob achos penodol ac edrych ar yr achos o'r ddau safbwynt, a sut ellir cefnogi'r unigolion hynny.

**PENDERFYNWYD derbyn yr adroddiad ar Cynllun Gwaith ar gyfer trefniadau Diogelu Corfforaethol.**

**GWEITHRED: Fel nodwyd uchod**

**5 CYNLLUN LLESIANT DRAFFT BWRDD GWASANAETHAU CYHOEDDUS GWYNEDD A YNYS MÔN : 2023/2028**

Cyflwynwyd – y Cynllun Llesiant Drafft – Bwrdd Gwasanaethau Cyhoeddus Gwynedd ac Ynys Môn ar gyfer 2023/2028.

Dywedodd arweinydd y Cyngor mai dyma'r ail Gynllun Llesiant ar y Cyd, a bod y broses ymgynghori statudol wedi dechrau ar ddechrau'r flwyddyn tan 6 Mawrth, 2023. Yn dilyn hyn, bydd y Bwrdd yn ystyried yr ymatebion i'r ymgynghoriad cyn creu Cynllun Llesiant terfynol.

Dywedodd y Prif Weithredwr fod Deddf Llesiant Cenedlaethau'r Dyfodol (Cymru) 2015 yn rhoi dyletswydd ar Fyrddau Gwasanaethau Cyhoeddus i gyhoeddi Cynllun Llesiant sy'n amlinellu sut mae'n bwriadu gwella llesiant trigolion yr ardal. Mae'r Bwrdd Gwasanaethau Cyhoeddus yn awyddus i wneud cyfraniad ystyrlon i'r tirlun partneriaeth heb ddyblygu gwaith partneriaethau eraill, ac felly mae'r Cynllun Llesiant ddrafft yn ceisio pennu a oes gan y Bwrdd Gwasanaethau Cyhoeddus rôl o ran arwain neu ddarparu'r blaenoriaethau llesiant. Dywedodd fod y Ddeddf yn tynnu sylw at saith targed llesiant cenedlaethol a phum ffordd o weithio er mwyn rhoi pwrpas cyffredinol i gyrff cyhoeddus. Wrth weithio mewn partneriaeth, mae'n bwysig cyflawni'r targedau hyn a gwneud gwahaniaeth i lesiant trigolion Gwynedd ac Ynys Môn.

Dyweddodd Rheolwr Rhaglen Bwrdd Gwasanaethau Cyhoeddus Ynys Môn fod y Pwyllgor Sgriwtini hwn a'r Pwyllgor Sgriwtini perthnasol yng Nghyngor Gwynedd yn ymgynghorai statudol ar gyfer y Cynllun Llesiant Drafft. Dywedodd mai'r cam cyntaf o ran creu Cynllun Llesiant oedd gwneud asesiad ar lesiant a gwneud ymchwil er mwyn deall a dysgu mwy am yr ardaloedd hynny. Bydd y cyfnod ymgynghori tri mis statudol yn dod i ben 6 Mawrth, ac mae'r Bwrdd yn ceisio ymestyn yr ystod o ymgynghorai ar gyfer y Cynllun Drafft, gan wahodd cynrychiolwyr o chweched dosbarth Ysgolion Uwchradd Gwynedd ac Ynys Môn, a myfyrwyr o Goleg Menai i herio nodau ac amcanion y Bwrdd.

Ystyriodd y Pwyllgor yr adroddiad, a chodwyd y pwyntiau pwysig canlynol:-

- Gofynnwyd cwestiynau ynghylch ym mha ffordd y gallai cymunedau helpu i ddarparu blaenoriaethau'r cynllun a'u datblygu ymhellach yn y dyfodol. Dywedodd Arweinydd y Cyngor fod y cymunedau lleol wedi bod ynghlwm drwy Medrwn Môn, sydd â chynrychiolydd ar Fwrdd y Gwasanaethau Cyhoeddus. Mae cymunedau lleol wedi bod yn rhan o'r broses ymgynghori ac mae Medrwn Môn hefyd wedi bod yn rhan o'r sesiynau hynny o fewn y cymunedau. Gofynnwyd cwestiynau pellach ynghylch a ymgynghorwyd â Chynghorau Tref a Chymunedol mewn perthynas â'r Cynllun Llesiant. Ymatebodd Rheolwr y Rhaglen gan ddweud fod cynrychiolwyr o'r Bwrdd wedi cymryd rhan mewn Fforymau Cyswllt Cyngorau Tref a Chymuned yng Ngwynedd ac ar Ynys Môn, ac maent hefyd wedi cael eu gwahodd i gyfarfodydd Cyngorau Tref a Chymuned;
- Gofynnwyd cwestiynau ynghylch a chredir y bydd yr amcanion a blaenoriaethau llesiant sydd wedi cael eu nodi er mwyn cyflawni targedau yn gwella llesiant cymdeithasol, amgylcheddol, diwylliannol ac economaidd y ddwy sir. Dywedodd Arweinydd y Cyngor nad oedd y Bwrdd Gwasanaethau Cyhoeddus eisiau dyblygu'r gwaith sy'n cael ei wneud ar hyn o bryd gan sefydliadau eraill. Dywedodd ei bod yn bwysig fod cymunedau lleol yn sicrhau bod cynnydd yn cael ei wneud o ran cyflawni amcanion y Bwrdd Gwasanaethau Cyhoeddus, a'i fod wedi ychwanegu gwerth i'w cymunedau. Dywedodd y Prif Weithredwr fod trefniadau Llunio Lleoedd y Cyngor, sef ffordd o weithio gyda chymunedau, yn eu galluogi nhw i gyflawni eu blaenoriaethau penodol yn lleol;
- Cyfeiriwyd at amcanion llesiant mewn perthynas â chefnogi cymunedau i ddod yn garbon sero net. Gofynnwyd cwestiynau ynghylch a ellir rhoi sicrwydd na fydd gwaith yn cael ei ddyblygu pan fydd sefydliadau eraill megis y Gwasanaeth Tan ac Achub yn rhannu'r un amcan i fod yn garbon sero net erbyn 2030. Dywedodd Rheolwr y Rhaglen fod y Gwasanaeth Tân ac Achub yn aelod statudol o'r Bwrdd Gwasanaethau Cyhoeddus, a byddant yn gallu cefnogi a rhannu arfer da gyda sefydliadau eraill o fewn y Bwrdd;
- Gofynnwyd a oes unrhyw flaenoriaethau ar goll, yn enwedig o ystyried canfyddiadau'r Asesiadau Llesiant ar ddechrau'r flwyddyn. Dywedodd Arweinydd y Cyngor nad yw'r economi wedi'i ystyried yn benodol o fewn y blaenoriaethau gan fod Bwrdd Uchelgais Economaidd Gogledd Cymru wedi cael ei sefydlu er mwyn canolbwyntio ar economi Gogledd Cymru;
- Gofynnwyd sut y rhennir gwybodaeth rhwng y sefydliadau partner o fewn y Bwrdd Gwasanaethau Cyhoeddus a sut mae gwaith y Bwrdd wedi elwa trigolion Gwynedd ac Ynys Môn dros y pum mlynedd ddiwethaf. Dywedodd Rheolwr y Rhaglen fod trafodaethau wedi'u cynnal yn ystod y gweithdai a

gynhaliwyd y llynedd, a bydd y Bwrdd yn mesur ei lwyddiant a chasglu arfer da ledled Cymru. Dywedodd bod y cyfryngau cymdeithasol yn cael eu defnyddio i hyrwyddo gwaith y Bwrdd a sefydliadau partner er mwyn hyrwyddo blaenoriaethau'r Cynllun Llesiant.

**PENDERFYNWYD nodi y bydd y Cynllun Llesiant ddrafft yn cael ei gyhoeddi ym mis Mai, 2023.**

**GWEITHRED: Fel y nodwyd uchod.**

## **6 ADRODDIAD CYNNYDD CH 2 - 2022/2023 : BWRDD UCHELGAIS ECONOMAIDD GOGLEDD CYMRU**

Cyflwynwyd – Bwrdd Uchelgais Economaidd Gogledd Cymru – Adrodd Cynnydd Chwarter 2 - 2023/2023.

Dywedodd y Prif Weithredwr fod yr Adroddiad Cynnydd ar gyfer Chwarter 2 yn cael ei gyflwyno er gwybodaeth, ac mae'n darparu trosolwg o gynnydd prosiectau a'r Rhaglen Bargaen Twf. Mae adroddiad Chwarter 2 yn dangos y prosiectau sy'n adrodd yn erbyn y proffil darparu portffolio diwygiedig a gymeradwywyd gan y Bwrdd Uchelgais ym mis Medi 2022. Mae tri phrosiect yn adrodd fel Coch yn yr adroddiad un ai oherwydd risg o gwmpas y prosiect, neu oediadau sylweddol yn amserlen y prosiect:-

- Canolfan Ragoriaeth Ynni Carbon Isel (Prifysgol Bangor) – prosiect dan adolygiad oherwydd cais i newid rhagamcaniadau cyfalaf a referniw. Mae'r Swyddog Rheoli Portffolio yn gweithio gyda noddwr y prosiect i edrych ar opsiynau er mwyn cyflymu darpariaeth.
- Hwb Economi Wledig Glynllifon – angen sicrhau caniatâd cynllunio a bwlch ariannu posibl oherwydd costau adeiladu cyfalaf cynyddol;
- Fferm Sero Net Llysfasi – prosiect bellach wedi cael ei ohirio, mae cyllid ar gael i'w adleoli a bydd y broses ar gyfer mynegi diddordeb ar gyfer prosiectau newydd yn cael ei pharatoi.

Dywedodd Arweinydd y Cyngor fod rhai o'r Bargaenion Twf wedi cael eu gohirio oherwydd gwaith cynllunio manwl sydd ar waith yn ogystal â fforddiadwyedd oherwydd sefyllfa'r economi.

Ystyriodd y Pwyllgor yr adroddiad, a chodwyd y pwyntiau pwysig canlynol:-

- Gofynnwyd ai'r cynnydd mewn costau sy'n golygu na fydd y Bargaenion Twf a restrwyd yn mynd y neu blaen. Dywedodd Arweinydd y Cyngor fod Achos Busnes pob prosiect yn faith a chymhleth, ac mae perygl na fyddai'r prosiectau wedi bod yn gyraeddadwy. Dywedodd fod sefyllfa'r economi wedi newid dros y ddwy flynedd diwethaf ac mae nifer o ranbarthau wedi cyflwyno cais i'r Llywodraeth daro ail olwg ar y Bargaenion Twf gan fod rhai prosiectau'n wynebu heriau ariannol. Cyfeiriodd at brosiect Morlais, sydd wedi cael ei adolygu o ran gwneud y defnydd gorau o gyllid Ewropeaidd. Dywedodd y Prif Weithredwr fod y cynnydd mewn chwyddiant wedi bod yn ffactor i brosiectau a hynny o ran cynyddu costau;

- Cyfeiriwyd at brosiect Egnio Trawsfynydd a gyhoeddwyd yn ddiweddar. Gofynnwyd a fydd y prosiect hwn yn rhan o Fargen Twf Gogledd Cymru. Dywedodd y Prif Weithredwr fod prosiect Trawsfynydd yn rhan o'r Fargen Twf ac mae cyllid cyfalaf wedi'i gynnwys a'i neilltuo ar gyfer y prosiect. Fodd bynnag, mae'r cyllid tuag at brosiect Trawsfynydd wedi'i neilltuo ar gyfer adeg yn y dyfodol, ond mae'r datblygwr yn barod i ddatblygu'r safle nawr;
- Gwnaed sylwadau ynghylch y gofynion ar gyfer cyflwyno'r Adroddiadau Cynnydd i'r Pwyllgor Sgriwtini ar sail chwarterol. Dywedodd Arweinydd y Cyngor bod Trefniadau Llywodraethu'n gofyn i gyflwyno Adroddiadau Chwarterol ar gyfer sgriwtini, ac i newid y gofyniad hwn, byddai angen trafodaeth ranbarthol gyda Llywodraeth y DU a Chymru. Dywedodd y Prif Weithredwr bod angen sicrwydd gan y ddwy lywodraeth bod proses sgriwtini ar waith i herio'r Fargen Twf, yn enwedig oherwydd trefniadau llywodraethu newydd y Cyngor Cyfiawnder Sifil.

**PENDERFYNWYD:-**

- **Nodi'r cynnydd a wnaed yn ystod Chwarter 2 – 2022/2023;**
- **Fod y broses ar gyfer cyflwyno'r adroddiad chwarterol yn cael ei thrafod yng nghyfarfodydd Pwyllgor Sgriwtini y Cadeiryddion ac Is-gadeiryddion.**

**GWEITHRED: Fel y nodwyd uchod.**

**7 BLAEN RAGLEN WAITH**

Cyflwynwyd adroddiad y Rheolwr Sgriwtini, a oedd yn cyflwyno Blaen Rhaglen Waith fynegol y Pwyllgor Sgriwtini Partneriaeth ac Adfywio ar gyfer 2022/23, i'w ystyried.

**PENDERFYNWYD:-**

- **Cytuno ar fersiwn gyfredol y Blaen Rhaglen Waith ar gyfer 2022/23.**
- **Nodi'r cynnydd hyd yn hyn o ran gweithredu'r Blaen Rhaglen Waith.**

Daeth y cyfarfod i ben am 3.40 o'r gloch

**CYNGHORYDD DYLAN REES  
CADEIRYDD**